

INVOCATION DA SANTES-ANNA-AR-PALUD.



(Air : Me a laca ma fizianç).

AR GRAGUES.

Glorius Santes-Anna,
C'houi oc'h eus concevet
En ho c'of sacr ar glana
Eus an oll guerc'hesead,
Ha douguet var ho parlen
Ho merc'hic adoret,
Mari, ar gaera steren
Eus an oabl alaouret.

(Air : Adoromp oll).

AR VOASED.

Santes-Anna,
Pe bris oc'h eus recevet
Evit maga
Rouanes ar guerc'hesead?
Ne oulle den compren
An dudi oc'h eus bet
Pa voac'h o tiorren
Mam redemptor ar bed.

AR GRAGUES.

Peb uurnes
Oc'h eus pelloet diouthi
Ous ho furnes
Bepred et caras senti.
Renit e peb amser
Var hon tieguesion,
Ma vezo gand preder
Heuliet ho quenteliou.

AR VOASED.

Mam hegarad,
 Dalc'hit ato digoret
 Ho taoulagat
 Var zouar ar Vretoned.
 Cassit pell eus hor bro
 Ar sperejou direis,
 Ha mirit var on tro
 Ar re a zuj d'ar feis.

AR GRAGES.

C'houi rent he ners
 D'ar c'hlanvour quoes dilavar,
 D'ar c'ham ar c'hers,
 Ar c'hlevet d'ar re vouzar,
 D'ar martolod risquet
 C'houi gonserv ar vues,
 Hac ar pec'her caled
 A gav enhoc'h trues.

AR VOASED.

Mam a zouçder
 Enoret var ar palud
 Hars hoc'h auter
 Gand respet ni ho salud.
 Mam gos salver ar bed,
 Ha c'houi, he merc'h santel,
 Ni a jomo bepred
 Dezoc'h ho-tiou fidel.

(Air : Me a laca ma fizianç.)

GOASED HA MERC' HED.

Santes murbet glorius,
 Un deis ni a gano
 Er barados dudius
 Meuleudi d'hoc'h ano.

Da c'hortos, grit ma vesimp
Miret dious peb goall,
Ha dre ho ners ra vrevimp
Ieo ar sperejou fall.



LITANIOU SANTES-ANNA-AR-PALUD.



Santes-Anna, c'houi a zo bet dilennet
Evit conceo mam hon doue incarnet.



Ni ho salud, aienen bur ar guened.



Oh ! nac a vech, magueres leun a zouder,
Oc'h eus laouen briatet mam hor salver !



Santes-Anna, bezit mad en hor c'henver.



Ennhi oc'h eus laquet dre ho quenteliou
An ad santel eus ar c'haera vertusiou.



Santes-Anna, renit hon tieguesiou.



E Breis-Isel, harsic ar mor fuloret,
Var ar Palud c'houi zo bepred enoret.



Santes-Anna, protejit ar Vretoned.



Var an dour-sall, e creis ar stourm dirollet,
C'houi a zicour ar mordead desolet.



Santes-Anna, ra vezot ato meulet.

Dre ho calloud ar e'hlanvour paour a bare,
Ar mud a goms, hac an den cam a vale.

Santes-Anna, r'ho meulint e peb mare.

Gant a bec'her eus Doue dispartiet
Dre ho sicour a zo bet difasiet!

Santes-Anna, ra vezot glorifiet.

Endra baro an heol var an torguennou,
Endra luc'ho ar glis var ar glasennou,

Santes-Anna, luc'hit en hor c'halonou.

Squis er bed-man, ho pugale a c'hortos,
Gant ho sicour reposvan ar Barados.

Santes-Anna, roit desomp ho pennos.

par Docteur Guizouarn.

